



Sujet 2000

Mir Snöbe ins Joor 2000

Millenium, Millenium
 Mir findes Millenium chaibedumm
 Millenium do, Millenium dört
 Eus het das langsam sicher g`stört
 Doch mir Rueche stöhn do drüber
 Mache Fasnacht als dureknallti Snöber.

Bisch en Schwob, Schwizer oder en Franzos
 Konzernchef, Arbeitnehmer oder Stellenlos
 Bisch Hetero, eh Lesbe oder en Schwule,
 Als Snöber g`hösch eifach zu de coole.

Mir sages Euch, zum begriffe
 Nit jeder Snöber duett au kiffe
 Au simmer immer voll guet druff
 Das goht den au ohni Suff
 Eusi Muusig isch voll krass
 G`hörsch vorallem nur dr Bass
 Vo eusne Klamotte wämer nit rede
 Wo sich immer 2 Nummere z`gross bewege
 Nit au uf dr Bretter simmer die Beschte
 Nei, au simmer voll krass Mann bim feschte
 Zum Glück miemer jetzt nümme warte
 Und dörte die Wuche voll durestarte.

Mir hän eus öbis traut
 Eus es schönes Chalet baut
 Das stelleme an an Hang
 Gönn go Snöbe, ohni Hahn
 Stöhmer uf euse Chaletbalkon
 Denn luegemer ohni viel schwitze
 Wer an eusem Chalet duett verbiflitze.

Die erschte wo mir gsehn isch dr Bundesrot

Wo ziemlich dumm am Hang obe stoht
Denn chunnt dr Ogi er isch dr Erscht
Und rief ganz lut: „Freude herscht.“
Als nögscht`s Ruthli miteme Riesegschrei
Wie chamer au Snöbe uf drei Bei
Dr Leueberger meint: „Ich bin kei Blöde
Verzichte gern uf das Snöbe.“
Dr Metzler sait: „isch das e Gritte
Ich hock zum Moritz uf de Schlitte.“
Dr restlich Bundesrot isch nümm deby
Die hocke scho bim Apres -schy.

Au euses Komitte, so hemer vernoh
Würdi schynt`s zum Snöbe go
Will bim Snöbe blibsch geischtig gsund
Sicher isch au das dr Grund
Wiso mir am Sunntig, truurig aber Woher
Glich fahre wie s`letscht mol vor e`paar Joor.

Brichte chönemer Euch no meh Sache
Doch wämer ab uf d`Pischte go lache
Händ Ihr kei Zyt für in Schnee
Diemer Euch es Gheimnis geh
Chönned eifach s`isch wunderbar
Im Schlossgarte unnde inne in eusi Bar
Dört treffe mir eus sicher, wer weiss....
Sunscht an dr Fasnacht 2000 und eins.